

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 44 (1958)

Artikel: La via d'ina poesia
Autor: Vial, Gion
DOI: <https://doi.org/10.5169/seals-882360>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 02.02.2025

ETH-Bibliothek Zürich, E-Periodica, <https://www.e-periodica.ch>

La via d'ina poesia

da Gion Vial

Lag de Laus

I.

Il Lag de Laus cun d'in affon l'egliada
surri agl avegnir e la levada;
e pegns en catsch leu fieran lur umbriva
e betschan el suleagl dascus la riva
mirond giu dalla spunda el profund
termaglian lev tremblond ell'aua clara
cul blau dil tschiel, odur de rasch'amara.

In dir combat, unviern cun glatscha
al lag ed al carstgaun smanatscha.
Il nausch orcan cun forza franca
a val sesburfla, tut el branca,
ils pegns el sdreina sco las stgeinas.
Scol lag cun pegns, igl egl s'empleina
cun dil vargau che fora peinas.

E primaveras biaras ein vargadas,
entuorn il lag ein fluras s'ignivadas
e la surfatscha para ruasseivla,
sco d'in vegliet l'egliada ei migeivla.
Denton sestendan ord il funs profund
las tromas niuas d'in uaul satrau
sco tonta bratscha ord in mund vargau.

Lag de Laus

II.

Tes egl's schi clars e blaus
sco il laghet de Laus,
els gaudan la speronza,
resplendan confidonza.

Tiu egl vegn trubistgaus
sco il laghet de Laus;
lavin's sco miraglia
cun tei fan maridaglia.

Tiu egl ei uss velaus,
mo sco dal lag de Laus
sestenda greva troma
ord il vargau e cloma.

Lag de Laus

III.

Tiu egl resplenda
quei ch'el intenda,
da funs a riva
gnanc in'umbriva.

Tiu egl flammegia
ei tei zunghegia,
lu carga greva
sin tei schischeva.

Tiu egl uss paussa
e di gnanc caussa,
mo tromas tonschan
dal funs e plonschan.

A miu bab per ses siatonta

Ad in pur giubilar

La sera plein suleagl d'atun che spenda
sur prau ed èr odor de fretgs rimnai
carmal'in pur sils onns per sia senda
viers la rendida ed ils dis spirai.

E si'egliada va sur la salin teniva
che prui enstagl de spinas e garduns,
mesira las risteinas ed arriva
al ver ch'il Segner seigi staus ton buns.

El sez cun agen maun ha la spinatscha
scarpau ord il terren selvadi criu,
nudada da lavur ei sia fatscha.

El sez ha ella tiar'il sem sterniu.
Co ei encaglia, quei ch'el ha semnau
ed il suleagl dorescha tut vargau.

Gion Vial